

AKT THEMELIMI
I
SHOQËRISË “Njëmbëdhjetë” SHPK

Në Tiranë, sot më 26.02.2024,

Z. Fabio Gjonaj, shtetas shqiptar, lindur në Tiranë, më 30.12.1994 dhe banues në Tiranë, madhor e me zotësi të plotë për të vepruar,

Znj. Këngë Haziri, shtetase shqiptare, lindur në Gjilan, Kosovë, më 14.10.1996 dhe banuese në Tiranë, madhore e me zotësi të plotë për të vepruar,

me vullnetin e tyre të plotë të lirë e të pacenuar, vendosën të themelojnë shoqërinë **“Njëmbëdhjetë” SHPK** në cilësinë e ortakëve themelues të saj.

Bazuar në nenet 6 e vijues të ligjit nr.9901, datë 14.04.2008 “Për tregtarët dhe shoqëritë tregtare” (i ndryshuar), nënshkruhet ky Akt Themelimi, në të cilin Ortakët Themelues shprehin vullnetin të themelojnë shoqërinë tregtare **“Njëmbëdhjetë” SHPK**, me kushtet si vijon:

NENI 1

Emri i shoqërisë

- 1.1. Emri i shoqërisë do të jetë **“Njëmbëdhjetë” SHPK**.
- 1.2. Ortakët themelues të shoqërisë gëzojnë përgjegjësi të kufizuara deri në vlerën e kontributit në kapitalin e shoqërisë.

NENI 2

Forma e shoqërisë

- 2.1. Forma e shoqërisë **“Njëmbëdhjetë” SHPK** (në vazhdim referuar si “Shoqëria”) do të jetë shoqëri me përgjegjësi të kufizuar, sipas parashikimeve të ligjit nr.9901, datë 14.04.2008 “Për tregtarët dhe shoqëritë tregtare” (i ndryshuar), derisa të vendoset ndryshe për shndërrimin në një formë tjetër ligjore të parashikuar nga legjisllacioni për shoqëritë tregtare.
- 2.2. Shoqëria është person juridik privat shqiptar dhe gëzon personalitet juridik nga data e regjistrimit të saj.

NENI 3

Selia e shoqërisë

- 3.1. Selia e shoqërisë ndodhet në Tiranë, Shqipëri, në adresën: Rruga "Faik Konica" nr.1, Pallati i kuq përballë Fakultetit Ekonomik.
- 3.2. Shoqëria ka të drejtë të ndryshojë selinë e saj në një adresë dhe/ose qytet tjetër brenda Republikës së Shqipërisë, si dhe ka të drejtë të hapë degë ose zyra përfaqësimi të saj kudo brenda ose jashtë territorit të Republikës së Shqipërisë.

NENI 4

Kohëzgjatja e Shoqërisë

- 4.1. Afati kohor i zhvillimit të aktivitetit është i pakufizuar dhe fillon me regjistrimin e Shoqërisë në Qendrën Kombëtare të Biznesit.
- 4.2. Ortakët e Shoqërisë mund të vendosin kufizimin e afatit të veprimtarisë dhe më pas zgjatjen e tij një apo disa herë, sipas një vendimi të posaçëm.

NENI 5

Objekti i veprimtarisë

- 5.1. Objekti i Veprimtarisë së Shoqërisë do të jetë, por duke mos u kufizuar në të:
 - *"Veprimtari në ofrimin e një game të plotë të shërbimeve për importin, eksportin, blerjen, rishitjen, e artikujve të kozmetikës dhe shëndetit, duke përfshirë produkte të gatshme dhe gjysmë të gatshme me një portofol të formulave unike të kremrave, locioneve, ekstrakteve bimore, kapsulave, dhe të tjerë."*
- 5.2. Shoqëria ka të drejtë të shtojë, pakësojë apo ndryshojë objektin e veprimtarisë së saj, në përputhje me parashikimet e legjisllacionit në fuqi.

NENI 6

Kapitali i Shoqërisë

- 6.1. Kapitali bazë i shoqërisë është në vlerën ALL 800.000 (tetëqind mijë lekë), i përbërë nga i përbërë nga 2 (dy) kuota,

Z.Fabio Gjonaj, zotëron një kuotë e cila përfaqëson 50% (pesëdhjetë përqind) të pjesës takuese në Shoqëri; Znj.Këngë Haziri zotëron një kuotë e cila përfaqëson 50% (pesëdhjetë përqind) të pjesës takuese në Shoqëri..
- 6.2. Ortakët themelues kanë detyrimin të shlyejnë kapitalin bazë të shoqërisë në tërësinë e tij brenda 6 (gjashtë) muajve nga data e regjistrimit të shoqërisë.

NENI 7

Organet Drejtuese

7.1. Bazuar në dispozitat e ligjit nr.9901, datë 14.04.2008 "Për tregtarët dhe shoqëritë tregtare" (i ndryshuar), organet drejtuese të shoqërisë janë:

1. **Asambleja e Përgjithshme e Ortakëve/Mbledhja e Ortakëve**, e cila është organi më i lartë vendimmarrës;
2. **Administratori**, i cili është organi ekzekutiv dhe administrativ i Shoqërisë.

7.2. Mënyra e organizimit dhe funksionimit të tyre është e përcaktuar në Statutin e Shoqërisë.

NENI 8

Administrimi

- 8.1. Shoqëria do të administrohet nga Administratori/Administratorët i/e saj, i cili/të cilët mund të zgjidhet/zgjidhen për një afat deri në pesë vjet me të drejtë rizgjedhjeje.
- 8.2. Administratorja aktuale e shoqërisë "Njëmbëdhjetë" SHPK do të jetë **Znj.Këngë Haziri**, lindur në Kosovë, më 14.10.1996 e banuese në Tiranë, identifikuar nëpërmjet pasaportësme nr.BC393034I dhe nr.personal J66014055L, madhore e me zotësi të plotë për të vepruar.
- 8.3. Administratorja emërohet për një afat 5 (pesë) vjeçar, me të drejtë riemërimi, duke nisur ky afat nga data e regjistrimit të saj pranë Qendrës Kombëtare të Biznesit.
- 8.4. Shoqëria do të përfaqësohet përpara çdo organi administrativ, gjyqësor, apo çdo entiteti tjetër publik apo privat dhe në marrëdhënie me të tretët nga Administratorja e shoqërisë (apo nga një ose disa persona të autorizuar prej saj), e cila i ushtron të drejtat dhe detyrimet e saj në përputhje me Statutin e shoqërisë dhe me legjislacionin shqiptar në fuqi.

NENI 9

Ligji i aplikueshëm

- 9.1. Veprimtaria e Shoqërisë rregullohet nga legjislacioni në fuqi në Republikën e Shqipërisë, ky Akt Themelimi, si dhe parashikimet e Statutit të saj.

NENI 10

Regjistrimi

- 10.1. Shoqëria do të regjistrohet pranë Qendrës Kombëtare të Biznesit nga administratorja dhe/ose një/disa person(a) të autorizuar prej saj për këtë qëllim, në përputhje me legjislacionin në fuqi.

NENI 11

Dispozitat përfundimtare

11.1 Ky Akt Themelimi hartohet në 4 (katër) kopje në gjuhën shqipe dhe nënshkruhet nga ortakët themelues të saj.

ORTAKËT
E
SHOQËRISË “Njëmbëdhjetë” SHPK

Z. Fabio Gjonaj

Handwritten signature of Fabio Gjonaj in blue ink, written in a cursive style.

Znj. Këngë Haziri

Handwritten signature of Këngë Haziri in blue ink, consisting of the name written above a stylized signature.